

新刻太醫院發刻醫家必究杏苑生春卷之七

太醫院史 紹庄 徐文元 發刻

醫正 活溪 內經 彙集

秣陵後學 文麓 紀夢德 次編

太醫院醫官雲林 龔廷賢 校正

金陵書坊 蔣氏 石渠閣 梓

○狂顛驚癇

經云重陽者狂重陰者癲蓋狂者狂言妄動踰垣上屋登高而歌棄衣而走罵詈不避親疎而自高賢好歌樂此皆心火獨盛陽氣有餘以致神不守舍痰火壅盛而然癲者沉默填念悒悒不樂殭仆直視變易常情此是陰虛血少心火不寧以致此也

有怒氣忿鬱。一時不得舒越。以成狂癲者。須先開達肝火。又有痰迷心竅。而然者。須當下痰順氣。俱以寧其心志爲佳。若心經有損。是爲真病。動經年歲。藥難取效。有婦人月水崩漏過多。血氣迷心。或產後惡露上衝。而言語錯亂。神志不守者。此血虛神耗。不可作狂癲施治。宜於女科類中求治。烏癲者。卒然旋暈。口眼相隱。搯搦背強。呌呌口吐漩沫。食頃乃甦。原其所因。五臟之間。或爲七情氣結。或爲六淫邪傷。閉塞諸經。一時痰涎壅併。心膈致使然也。所以少小有癲病。及瘕病者。皆由臟氣不平之故。新生即癲者。是其五臟不斂。血氣不聚。五脉不流。骨怯不成也。多不全育。其一月四十日已上至朞歲而癲者。亦由乳養失理。血氣不和。風邪所中也。病先身熱。瘕瘕驚啼。呌喚而後發。脉浮者。陽癲也。病在六腑外。在肌膚。猶易治也。癲先身旁不驚。掣不

啼呼而後發。發者，陰癇也。病在五臟內，在骨髓極難治也。病發身吹而醒，而謂之癇也。身皆強直，反張如弓，不時隨者，謂之瘈也。凡脈浮之與沉，以判其病在陰陽表裏耳。其浮沉復有大小滑澁，虛實遲駛，諸証各依脈形爲治。神農本草經說：小兒驚癇，有一百二十種。其証候微異於常，便是癇候也。兒初出腹，血脈不斂，五臟未成，有將養失宜，卽爲病也。時不成人，其經交蒸之後，他證並寬。惟中風最暴卒也。小兒四肢不好，驚掣氣息，小異欲作癇也。或在母腹中受驚，或幼時驚觸，亦成此疾。癇有三種：有風癇、有驚癇、有食癇。蓋風驚者少，食癇者多。凡先寒後熱發者，皆是食癇也。驚癇按圖灸之。風癇當與猪心湯。食癇當下。凡小兒所以得風癇者，緣衣煖汗出，風因入也。初得之時，先屈指如數，乃發作者是也。驚癇者，起於驚怖大啼而發作者是也。

驚癇微者急持之勿復更驚或自止也。其先哺乳吐而變熱後發癇者此食癇。早下則瘥。四味紫丸祛逐癖飲最良。去病速而不虛人矣。故癇久則歸於五臟。似此見禽畜之狀。肝癇爲病面青目反視。手足動搖發作鷄聲。搖頭反折。心癇爲病面赤心下有熱短氣息微數。發作馬嘶。張口搖頭欲反折。脾癇爲病面黃腹大下痢。發作羊吼喜。楊目吐舌。肺癇爲病而目皆白。口中沫出。發作牛吼。目正視。腎癇爲病面黑目正直視而不搖如尸狀。發作猪叫喜吐沫。又有膈癇爲病。目反四肢不舉。腸癇爲病。身木動。按各當隨症施治。經曰少陰急爲癇。陽明急爲驚也。治怒動肝火風痰上盛發狂叫呼以寧神導痰湯主之。

方寧神導痰湯

橘紅

白茯苓 各一錢五分 半夏

南星

遠智

枳實 黃芩 各一錢
黃連 甘草 各五分

菖蒲 七分
生薑 五片

右咀水煎熟瀉清調辰砂末三分如痰盛加竹瀝二蛤殼生薑自然汁一蛤殼入內食遠熱服

治言語失倫常常戲笑不發狂者乃心虛也以定志湯主之

力定志湯

菖蒲 茯神 當歸 橘皮 各一錢

遠志 人參 各一錢二分
甘草 五分炙

右咀咀水煎如有痰加半夏七分生薑三片食前熱服

治氣悸心亂以安神丸鎮固之

方安神丸

硃砂 五錢另研水飛
甘草 五錢五分
當歸 二錢五分

黃連 酒洗六錢

生地黃 一錢五分

右件依法製度名另為極細末和勻湯浸宿蒸餅糊為丸或二十九津吐或溫水凉水臨臥嚥下

〔病〕膽氣虛怯頭痛目眩心神恐畏遇事多驚以酸棗茯神湯治之

〔方〕酸棗茯神湯

茯神

栢子仁

酸棗仁

熟地黃

各一錢五分

桂心

三分

人參 一錢五分

五味子

八分

白芍藥

六分

甘草

炙四分

生薑

三片

右改咀用水煎八分臨臥熱服。

〔治〕膽實口苦心神不寧以和膽湯主之。

方見六卷內

〔病〕心神虛耗魂魄不定上焦有痰火管中邪熱以八物定志丸主

之

五八物定志丸

遠志

菖蒲

白茯苓 各五錢

人參 七錢五分

茯神

麥門冬

各五錢

白朮

二錢五分

牛黃 一錢

右件依法製度爲末和勻煉蜜爲丸如梧桐子大硃砂爲衣每服二三十丸熱水食前或臨臥送下

治心神不安言語失常不得眠睡以寧志膏主之

方見六卷內

治癰瘕筋挛以沉香天麻湯主之

方沉香天麻湯

沉香

川烏

益智 各四分

甘草

黑附子

薑屑

各五分

獨活

羌活

半夏

各一錢

天麻

防風

各七分

當歸

八分

生薑

五片

右件咬咀水煎八分。食前熱服。

治五癇疾。或瘧狂驚怖。或心火炎盛。皆以龍腦安神丸主之。方見

五卷

治五癇五癇風

方黃白丹

黃丹 白礬 各一兩

右用礬鑿一巢。可各二兩許。安丹在下。礬在上。用木炭五斤。煅炭令盡。取爲末。以不經水猪心血爲丸。如菰荳大。每服二十丸。橘皮湯下。

治因怒氣而發癲者。以順氣導痰湯。加石菖蒲。煎入辰砂末。沉香汁主之。

方順氣導痰湯

香附子

烏藥

南星

橘紅

半夏

各二錢

木香

五分

甘草

四分

茯苓

枳實

各一錢

右咬咀煎好濾清用生薑汁磨況香在內食前服。

治諸驚癇以龍膽湯主之若致客忤戕氣加人參當歸。

方龍膽湯

龍膽

釣藤皮

柴胡

黃芩

桔梗

芍藥

茯神

甘草

各六銖

蟬蛭

二枚

大黃

一兩

右咬咀水煎量見大小不拘時服。

治癰病久不愈頑涎結聚以控涎丸。

方控涎丸

川烏

生

半夏

生

殭蚕

生各半兩以上三味剉碎生薑汁浸一宿

金蝎

二錢

鐵粉

三錢

甘遂

二錢五分

右件依法製度為末。生薑汁打麵糊為丸。如萊菔大。硃砂為

衣。每服十五丸。食後生薑湯送下。

病小兒乳傷。作食簡腹滿壯實者。以四味紫丸。

方四味紫丸

赤石脂

代赭石

各五錢

巴豆

十五枚

杏仁

二十枚

右件依法製度。各另研相和。搗二千餘杵。若硬入熟蜜少許。

密器收貯。如麻子大。每與一丸。五六歲兒以上二丸。漸漸

微下。勿令過多。

治因氣停食。作瀉。酸腐氣身熱。目眦以米連湯加水香。縮砂

仁主之。若大便實結。量加大黃微行。

方見四卷中

○症論

夫瘧有數種如傷寒太陽經中風發瘧與傷寒發熱惡寒相似但項背反張強硬口噤如發癇狀此爲異耳非特中風或感寒濕亦然也無汗惡寒脉來弦長勁急胸滿口噤臥不着席脚牽拘急咬齒眼開甚則搐搦反張此剛瘧亦曰陽瘧治有麻黃葛根湯等大便閉者大承氣湯下之若有汗不惡寒脉來遲濡細弦四脉不收時或搐搦閉眼合面此柔瘧亦曰陰瘧治有桂枝瓜蒌葛根湯等此仲景外感而立法也方見指掌圖中故不錄及又有不因傷寒而得瘧者乃風木使然雖病因不同狀候相類故以二瘧通用小續命湯加減調治手足牽動名曰搐搦又名瘳癰是火體動也有血虛有產後去血過多有風痰壅塞而作者各當所因施治若諸反張大人脊下容側手小兒容三指者不可治也又忌發汗古人治法異宜不等茲立管見未能盡

善。臨症再加詳焉。

○脉症並詳

脉經曰。太陰病發熱。其脉沉而細者爲瘧。

又云。瘧脉來。按之築築然。而弦直上下行。

又云。瘧家其脉伏堅直上下。

病剛瘧。無汗惡寒。項背強急。手足搐搦。口噤咬齒。甚則角弓反

張。以小續命湯加羌活。防風。減少桂附。若顯熱症。口乾煩

躁。全去附桂。主之。方見三卷內。

病柔瘧。有汗四肢不收。閉眼合面。時或搐搦。脉來遲濡。以小續

命湯加羌活。白朮。黃芪。減少防風。全去麻黃。主之。方見三卷內。

治血虛之人發瘧。或反張。或只手足搐搦。或但左手足動搖。以

大秦芎湯。方見三卷內。

病熱痰壅發瘧不省或只手足搐搦或只右手足動搖以祛風

導痰湯 方見三卷內

治產後去血過多發瘧者以六合湯主之 方見三卷內

病發瘧無汗惡寒小便少名剛瘧以麻黃葛根湯治之

方麻黃葛根湯

麻黃 三錢先煮去上沫入下藥 葛根 四錢 桂枝 一錢

白芍藥 各二錢 甘草 各二錢 生薑 五片

右咬咀。棗子二枚。水煎食遠溫服。

治發瘧自汗惡風名柔瘧以桂枝葛根湯

方桂枝葛根湯

桂枝 三錢 葛根 四錢 白芍藥 各二錢 甘草 各二錢

右咬咀。生薑五片。棗子二枚。水煎溫服。

病瘕病胸滿口噤咬齒脚卒臥不着床大便實者以小承氣湯

下之方見二卷內

○**脚氣**

夫脚氣皆由脾腎虛弱爲風寒暑濕所干流注而成始多不覺會他病發動或奄然大悶經二三日方覺先從脚起痿弱痺痛不能轉動行起忽倒兩脛腫滿足膝枯細心中公悸小腹不仁大小便閉澀或舉體轉筋骨節酸疼惡聞食氣見食吐逆胸滿氣急壯熱增寒此皆足履蒸氣所致況其症不一治須詳審否則入腹攻心鮮有救者大抵脚氣發於外者大同小異若寒中三陽經者患處必冷暑中三陰經者患處必熱其脉浮弦起於風濡弱起於濕洪數起於熱遲澀起於寒若風者汗而愈濕者滲而愈熱者下而愈寒者熨而愈法當辯脉順時調理不可拘

一。春夏疾盛者宜汗之。秋冬以後量人氣體虛實。微加滋補。防其遇寒暄再作。如無汗走注爲風勝。掣急掣痛爲寒勝。腫滿重着爲濕勝。煩渴熱悶爲暑勝。氣血兼中者。但推其多者爲勝。分其表裏。施以治法。忌用熱藥蒸泡。恐逼邪氣入于經絡。爲難治者。審之。

○脉症兩陳

脉弦者風。濡弱者濕。洪數者熱。遲濇者寒。微滑者虛。牢堅者實。結者因思。散則因寒。急則因怒。細細則因悲。

凡脚氣有濕熱有瘀積流注。有風濕寒濕。數者爲患不同。當要分因而療。

治風濕脚氣疎通氣道。以續蘇散主之。

方 檳蘇散

香附子

陳皮

紫蘇

檳榔

各一錢

甘草

五分

木瓜 一錢二分

生薑

五片

葱白

二根

右咬咀。水煎溫服。

病 脚氣頭疼身熱肢節疼痛感寒患處必冷。以小續命湯主之。

方見三卷內。

病 脚氣感暑患處必熱。以小續命湯

方見三卷內

去附子官桂

加酒炒黃蘗。

病 三陽經受熱毒氣流脚踝上。掀赤腫痛寒熱如瘡。自汗惡風。

或無汗惡寒。以加味敗毒散。

方 加味敗毒散

柴胡

錢五分

前胡

羌活

獨活

桔梗

枳殼

人參

茯苓

川芎

各一錢

甘草 四分

生薑 五片

蒼朮

大黃 各一錢

如皮作寒者加蟬蛻五分

右咬咀水煎熟食遠熱服。

〔病〕四氣流注足陽明經使腰脚赤腫痛不可行大小便閉或惡

聞食氣喘滿自汗以大黃左經湯治之氣弱人量用大黃

〔方〕大黃左經湯

大黃

細辛

茯苓

各一錢

羌活

一錢五分

甘草

炙

厚朴

杏仁

各五分

枳殼

八分

前胡

黃芩

各七分

生薑

五片

棗子

二枚

閉結加阿膠五分

喘急加桑皮紫蘇

各五分

小便閉結加澤瀉

八分

四肢瘡痒浸淫加升麻

六分